



Reykjavík, 22. janúar 2019

R18070088

2130

## Velferðarráð

### ***Staða viðræðna um húsnæðismál***

Á liðnu hausti og fyrstu vikur þessa árs hafa verið umtalsverðar viðræður og vinna sem tengist brýnum verkefnum í húsnæðismálum milli ríkis, sveitarfélaga og aðila vinnumarkaðarins, með aðkomu Reykjavíkurborgar.

Stærsti áfanginn eru niðurstöður átakshóps um húsnæðismál, dags. 19. janúar sl. þar sem fjölmargar af lykiláherslum Reykjavíkurborgar koma fram, þ.m.t. aukning á stofnframlögum til byggingar leiguþúða sem var ein af lykilsamþykktum borgarráðs í húsnæðismálum á sérstökum fundi um húsnæðismál sl. summar. Fyrri hluta árs er einnig gert ráð fyrir að sérstakur hópur um málefni utangarðsfólks sem ráðherra setti á laggirnar í kjölfar erindis Reykjavíkurborgar skili tillögum og einnig er að vænta áfanganiðurstaðna úr viðræðum Reykjavíkurborgar og heilbrigðisráðuneytisins um fjölgun hjúkrunarrýma í Reykjavík á næstu vikum.

Til að gefa yfirlit yfir stöðu viðræðna er rétt að minna á samþykktir borgarráðs frá því á fundi ráðsins 31. júlí sl.

#### **Samþykktir borgarráðs**

Á aukafundi borgarráðs um húsnæðismál 31. júlí 2018 var samþykkt að fela borgarstjóra úrvinnslu eftirfarandi tillagna:

1. Borgarráð samþykkir að fela borgarstjóra að ræða við ríkisstjórn og verkalyðshreyfinguna um breytingar á reglum um stofnframlög þannig að hægt sé að fjölga leiguþúðum í Reykjavík.
2. Borgarráð samþykkir að hefja formlegt samstarf milli ríkis, Reykjavíkurborgar, stærstu sveitarfélaga og Sambands íslenskra sveitarfélaga, til að tryggja að raunhæfar úrlausnir séu til staðar þegar leysa þarf úr bráðum húsnæðisvanda.
3. Borgarráð samþykkir að skora á félags- og húsnæðismálaráðherra og Alþingi að skylda sveitarfélög til að fjölga félagslegum leiguþúðum, t.d. í 4-5% af íbúðum í sveitarféluginu eða finna aðrar leiðir til að tryggja að sveitarfélöginn sinni skyldum sínum.
4. Borgarráð samþykkir að taka upp formlegar viðræður við sveitarfélög á höfuðborgarsvæðinu um kostnaðarþátttöku vegna þeirra einstaklinga sem eru með lögheimili í sveitarfélögum utan Reykjavíkur en nýta sér úrræði Reykjavíkurborgar s.s. Konukot, Gistiskýlið og Víðines.

5. Borgarráð samþykkir að fela borgarstjóra að kalla eftir stöðu á þeim aðgerðum sem settar voru fram í húsnæðissáttmála ríkisstjórnarinnar sem kynntur var í júní árið 2017.
6. Borgarráð samþykkir að fela borgarstjóra að hefja viðræður við heilbrigðisráðherra um heilbrigðisþjónustu m.a. hjúkrunarrými, fyrir eldra utangarðsfólk.

Öllum ofangreindum lykiláherslum Reykjavíkurborgar í húsnæðismálum hefur verið komið á framfæri á viðeigandi vettvangi og flestar hafa þær náð fram að ganga eða eru í farvegi innan viðkomandi ráðuneyta.

Bréf og erindi

Eftirfarandi erindi voru send í kjölfar fundarins:

1. Bréf til Sambands íslenskra sveitarfélaga, Samtaka sveitarfélaga á höfuðborgarsvæðinu, félags- og jafnréttismálaráðherra og heilbrigðisráðherra þar sem óskað er eftir viðræðum um samstarf um málefni utangarðsfólks. Ásmundur Einar Daðason félags- og jafnréttismálaráðherra stofnaði stýrihóp með þátttöku fulltrúa Reykjavíkurborgar, SSH og Sambands íslenskra sveitarfélaga, 15. nóvember sl. Tillagna er að vænta frá hópnum á fyrrí hluta þess árs, þ.e. maí 2019, skv. erindisbréfi (meðfylgjandi).
2. Bréf til Samtaka sveitarfélaga á höfuðborgarsvæðinu þar sem óskað er eftir að taka upp formlegar viðræður við sveitarfélög á höfuðborgarsvæðinu um kostnaðarþátttöku einstaklinga sem nýta sér úrræði Reykjavíkurborgar. Samráðshópur félagsmálastjóra á höfuðborgarsvæðinu fékk verkefnið til sín og velferðarsvið hefur með bréfi dags 15. janúar 2019 boðið sveitarfélögum, bæði á höfuðborgarsvæðinu og víðar að gera sambærilegan samning og Hafnarfjarðarbær og Reykjavíkurborg undirrituðu á árinu 2017, vegna þjónustu við utangarðsfólk. Ný gjaldskrá tók gildi þann 1. janúar 2019.
3. Bréf til heilbrigðisráðherra þar sem óskað er eftir viðræðum vegna heilbrigðisþjónustu fyrir eldra utangarðsfólk. Málefni eldri hópsins hafa verið hluti viðræðna um fjölgun hjúkrunarrýma í Reykjavík. Velferðarsvið og skrifstofa eigna- og atvinnuþróunar hafa leitt viðræðurnar með aðkomu umhverfis- og skipulagssviðs. Von er á tillögum og niðurstöðu úr viðræðunum á næstu vikum. Þetta verkefni er einnig hluti af verkefnum stýrihóps félagsmálaráðherra um utangarðsfólk.

Viðræður við ríkisstjórn og verkalyðshreyfingu

Borgarráð fól borgarstjóra að hefja viðræður við fulltrúa ríkis og verkalyðshreyfingar um aukningu stofnframlaga og fjölgun leiguþúða, ásamt því að kanna stöðu húsnæðisáætlunar fyrri ríkisstjórnar. Í samtölum við fulltrúa ríkisins kom fram að sitjandi ríkisstjórn telur sig ekki bundna af húsnæðisáætlun fyrri ríkisstjórnar. Ekki er verið að fylgja áherslum hennar eftir þó ýmis verkefni sem þar eru nefnd séu til áframhaldandi vinnslu í ráðuneytunum. Verkefnistjóri húsnæðisáætlunar hefur horfið til annarra verkefna.

Borgarstjóri hefur því átt fundi undanfarið haust til að fylgja eftir ofangreindum áherslum Reykjavíkurborgar í húsnæðismálum með ráðherrum ríkisstjórnarinnar og fullrúum verkalyðshreyfingarinnar. Sameiginleg niðurstaða eftir fundi með forsætisráðherra annars vegar og félagsmálaráðherra hins vegar var að settur yrði á fót átakshópur um húsnæðismál með aðkomu ríkis, verkalyðshreyfingar, samtaka atvinnulífsins, Reykjavíkurborgar og annarra sveitarfélaga. Að höfðu samráði við svíðsstjóra velferðarsviðs og umhverfis- og skipulagssviðs var Birgir Björn Sigurjónsson fjármálastjóri borgarinnar tilnefndur sem fulltrúi í viðræðunum en auk hans komu að þeim Haraldur Sigurðsson frá umhverfis- og skipulagssviði, Hrafnkell Proppé frá SSH, Þorsteinn Hermannsson samgöngustjóri og haft var samráð við velferðarsvið og umhverfis- og skipulagssvið við vinnslu málsins. Niðurstöður þessara viðræðna lágu fyrir 19. janúar sl. og fylgja hér með.

Á fundi velferðarráðs þann 7. nóvember var spurt eftir því hvað borgarstjóri hefur átt marga fundi vegna málsins með ráðherrum ríkisstjórnarinnar. Borgarstjóri hefur átt two fundi með félagsmálaráðherra, dags. 7. september og 8. nóvember 2018, þar sem meðal annars voru rædd

húsnæðismál og fund með forsætisráðherra, dags. 1. nóvember 2018 og 10. janúar 2019 þar sem húsnæðismál voru meðal fundarefna. Á öllum þessum fundum var áherslum Reykjavíkurborgar á sviði húsnæðismála fylgt eftir. Þá hefur borgarstjóri átt fundi með forseta ASÍ og framkvæmdastjóra Bjargs annars vegar og hins vegar allri stjórn Bjargs þar sem sæti eiga formenn og fulltrúuar stærstu verkalyðsfélaga landsins.

Átakshópur um húsnæðismál fundaði þétt í desember og janúar eða alls 14 sinnum. Þá eru ótaldir fundir ýmissa undirhópa sem sérfræðingar Reykjavíkurborgar áttu aðild að. Ljóst er að áherslur verkalyðshreyfingarinnar og Reykjavíkurborgar í húsnæðismálum fara að mjög miklu leyti saman og bera niðurstöður viðræðnanna þess skýrt vitni.



Dagur B. Eggertsson

Hjálagt:

Niðurstöður átakshóps um aukið framboð á íbúðum og aðrar aðgerðir til að bæta stöðu á húsnæðismarkaði, dags. 19. janúar 2019.

Ósk um tilnefningu í stýrihóp um málefni utangarðsfólks, dags. 19. september 2018 frá velferðarráðuneytinu.  
Erindisbréf stýrihóps um málefni utangarðsfólks, dags. 15. nóvember 2019.



## **Átakshópur um aukið framboð á íbúðum og aðrar aðgerðir til að bæta stöðu á húsnæðismarkaði**

Húsnæðismál eru meðal megin áherslumála stjórnvalda enda er öruggt húsnæði, óháð efnahag og búsetu, ein af grundvallarforsendum öflugs samfélags. Framboð húsnæðis er takmarkað hverju sinni og talsverður tími líður frá því að tekin er ákvörðun um byggingu húsnæðis og þangað til það er tilbúið til notkunar. Sveiflur í eftirspurn eftir húsnæði geta því leitt af sér miklar verðsveiflur sem geta haft afdrifarík áhrif á efnahag heimilanna og húsnæðisöryggi landsmanna, einkum þeirra tekjulægri. Ekki síst af þessum sökum er nauðsynlegt að hafa góða yfirsýn yfir stöðu á húsnæðismarkaði á landinu öllu, m.a. mat á íbúðaþörf, framboð íbúða á markaði og í byggingu, framboð byggingarlands, þarfir ólikra félagshópa o.s.fr. Að sama skapi kallað þetta á öfluga stjórnsýslu húsnæðis- og byggingarmála og skýra stefnumótun af hálfu stjórnvalda.

Á undanförnum árum hefur verið mikill skortur á íbúðum, einkum á höfuðborgarsvæðinu, sem m.a. hefur leitt til hækkandi íbúðaverðs. Húsnæðiskostnaður heimila hefur hækkað langt umfram verðlag og laun, ungt fólk og tekjulágir eiga erfiðara með að kaupa eigið húsnæði og ófremdarástand hefur ríkt á leigumarkaði. Sveitarfélög á landsbyggðinni glíma einnig við húsnæðisvanda, en ástæður hans eru mismunandi. Íbúðaláanasjóður vinnur nú að tilraunaverkefni í samstarfi við sveitarfélög á landsbyggðinni þar sem útfærðar verða leiðir til lausna.


Átakshópur um aukið framboð á íbúðum og aðrar aðgerðir til að bæta stöðu á húsnæðismarkaði, sem nú skilar niðurstöðum sínum, var skipaður af forsætisráðherra þann 4. desember sl. Skipan hópsins og niðurstöður hans eru liður í samtali ríkisstjórnarinnar, sveitarfélaga og heildasamtaka á vinnumarkaði um að leita leiða til að kaupmáttur launafólks aukist og allir hópar njóti aukins kaupmáttar. Aðilar að því samtali voru sammála um að tryggja þyrfti aukið framboð íbúða á hagkvæman og skjótvirkjan hátt ásamt því að huga að aðgerðum sem unnt væri að grípa til í því skyni að bæta stöðu á húsnæðismarkaði, þ.m.t. stöðu leigjenda. Átakshópurinn skyldi kynna heildstæða lausn á viðfangsefnum sínum fyrir stjórnvöldum og heildarsamtökum á vinnumarkaði eigi síðar en 20. janúar 2019.

Átakshópurinn hóf störf 5. desember sl. og fundaði samtals 14 sinnum, síðast 19. janúar. Hópinn skipa fulltrúar heildasamtaka á vinnumarkaði, fulltrúar sveitarfélaga og fulltrúar forsætis-, fjármála- og efnahags- og félagsmálaráðuneytis. Formenn hópsins, sem skipaðir voru án tilnefninga, voru Anna Guðmunda Ingvarsdóttir, aðstoðarforstjóri Íbúðaláanasjóðs, og Gísli Gíslason, hafnarstjóri Faxaflöahafna.

Sjö undirhópar störfuðu með hópnum á tímabilinu og höfðu útfærslu afmarkaðra verkefna með höndum. Haft var samráð við mikinn fjölda stofnana, sveitarfélaga og hagsmunaaðila og tugir sérfræðinga komu með einum eða öðrum haetti að vinnu hópsins. Allir þessir aðilar lögðu lóð sín á vogarskálarnar til að ljúka ítarlegri kortlagningu á stöðu húsnæðismála og stuðluðu að því að hópurinn gat skilað niðurstöðum sínum á tilsettum tíma.

Mikill samhljómur var í hópnum um nauðsyn þess að leysa þann vanda sem nú ríkir á húsnæðismarkaði og mikilvægi þess fyrir yfirstandandi kjaraviðræður.

Átakshópurinn var sammála um mikilvægi þess að efla stjórnsýslu húsnæðis- og byggingarmála og tryggja nána samvinnu íbúðaláanasjóðs, Mannvirkjastofnunar, Skipulagsstofnunar, sveitarfélaga og hlutaðeigandi ráðuneyta til að auka yfirsýn yfir málaflokkinn. Markmiðið er að auka hagkvæmni og skilvirkni mannvirkjagerðar með markvissri eftirfylgni með





húsnæðisáætlunum og stjórnsýslu byggingarframkvæmda í samstarfi við sveitarfélögin, m.a. í gegnum byggingargátt Mannvirkjastofnunar.

Átakshópurinn lagði áherslu á að greina íbúðaþörf og framboð íbúða byggingarlóða, greina framboð út frá þörfum félagshópa og móta tillögur að þeim niðurstöðum fengnum. Tillögur hópsins eru í sjö meginliðum og taka m.a. mið af því að fjölgað verði hagkvæmum íbúðum á viðráðanlegu verði fyrir tekjulága, uppbygging almennna íbúðakerfisins haldi áfram, uppbyggingu óhagnaðardrifinna húsnæðisfélaga að norrænni fyrirmynnd, leiguvernd verði aukin með sértækum aðgerðum, aðgengi að upplýsingum um húsnæðismál verði bætt og þess gætt að uppbygging samgöngumannvirkja og almenningssamgangna fylgi mikilli uppbyggingu íbúða á höfuðborgarsvæðinu og vaxtarsvæðum í kringum borgina. Hópurinn leggur auk þess mikla áherslu á að leita leiða til að lækka byggingarkostnað og stytta byggingartíma, m.a. með stóraukinni samvinnu stjórnvalda og annarra sem koma að skipulags-, byggingar- og húsnæðismálum. Auk þess er lögð áhersla á að auka verulega rafræna stjórnsýslu skipulags- og byggingarmála, einfalda regluverk og aðrar sértækar aðgerðir til að auka hagkvæmni. Þá má nota skipulag, ráðstöfun lóða og uppbyggingu á Keldum sem tilrauna- eða þróunarverkefni í þessu skyni.

Niðurstöður átakshópsins eru settar fram með ítarlegum hætti hér á eftir en hópurinn leggur að lokum áherslu á að komi tillögur hópsins til framkvæmda verði að tryggja eftirfylgni þeirra með því að tilnefna ábyrgðaraðila sem hafi það hlutverk að halda utan um aðgerðirnar.

## Íbúðaþörf og framboð

Í tengslum við vinnu hópsins var unnin greining á þörf fyrir íbúðir á landsvísu. Í greiningunni er íbúðaþörf metin út frá þróun lýðfræðilegra þátta, mannfjölda, aldurssamsetningu og samsetningu heimila, auk fjölda íbúða sem ekki eru í hefðbundinni notkun sem íbúðarhúsnæði. Eðli sínu samkvæmt byggir greiningin á mörgum óvissuháttum, en átakshópurinn er sammála um þá aðferðafræði og þær forsendur sem lagðar voru til grundvallar.


Samhliða var unnin greining á íbúðum í byggingu á höfuðborgarsvæðinu og vaxtarsvæðum<sup>1</sup> og lagt mat á framboð lóða í tengslum við frekari uppbyggingu á komandi árum og áratugum. Auk þess var metið hvort það framboð íbúða sem nú er í byggingu sé líklegt til að henta þörfum þeirra tekju- og eignalægri.

Óuppfyllt íbúðaþörf er nú á bilinu 5.000–8.000 íbúðir á landinu öllu. Mikil uppbygging íbúðarhúsnæðis er hins vegar fyrirhuguð á næstu árum og áætlað er að um 10.000 íbúðir verði byggðar á árunum 2019–2021. Gangi þær áætlanir eftir mun óuppfyllt íbúðaþörf minnka til muna en hún verður engu að síður um 2.000 íbúðir í-upphafi árs 2022.

Byggja þarf að meðaltali 1.830 íbúðir árlega á tímabilinu 2019-2040 til að mæta óuppfylltri íbúðaþörf og þeiri þörf sem skapast á tímabilinu en 1.580 íbúðir árlega frá og með árinu 2022 gangi áætlanir um uppbyggingu á árunum 2019-2021 eftir.

Þrátt fyrir mikla uppbyggingu eru vísbendingar um að það framboð sem nú er að myndast muni síður henta tekju- og eignalágum. Svo virðist sem stór hluti líftilla íbúða sem eru í byggingu á höfuðborgarsvæðinu sé í hverfum þar sem fermetraverð er hvað hæst. Í þeim sveitarfélögum á

<sup>1</sup> Vaxtarsvæði: Akranes, Suðurnes, Ölfus, Hveragerði, Árborg og Akureyri.



höfuðborgarsvæðinu þar sem fermetraverð er lægra virðist mest vera byggt af stærri íbúðum sem geta þar með síður talist hagkvæmar. Því er nauðsynlegt að ráðast í aðgerðir til að auka framboð hagkvæmra íbúða á viðráðanlegu verði til leigu og eignar. Aukið framboð minni íbúða á svæðum þar sem fermetraverð er almennt í lægra lagi myndi auka hlutdeild ódýrustu íbúðanna meðal nýbygginga sem kæmi til móts við þarfir margra sem hafa litlir tekjur og/eða eignir. Mikilvægt er þó að skoða húsnæðiskostnað á þeim svæðum í samhengi við aðra þætti, svo sem samgöngukostnað.

## Tillögur

### I. Áframhaldandi uppbygging almenna íbúðakerfisins skv. lögum nr. 52/2016

Almennar íbúðir eru íbúðir sem hafa hlotið stofnframlag skv. lögum nr. 52/2016. Markmiðið með almennum íbúðum er að auka húsnæðisöryggi efnaminni fjölskyldna og einstaklinga með því að bæta aðgengi að öruggu og viðeigandi íbúðarhúsnæði til leigu og stuðla að því að húsnæðiskostnaður sé í samræmi við greiðslugetu leigjenda og að jafnaði ekki umfram 25% tekna.

Mikilvægt er að halda áfram uppbyggingu almennra íbúða. Markmiðið á árunum 2016-2019 er að úthluta stofnframlögum til byggingar eða kaupa á alls 2.300 almennum íbúðum. Aætlað er að úthlutað verði til byggingar eða kaupa 2.289 íbúða til ársloka 2019 og þar af verði íbúðir fyrir tekju- og eignalága á vinnumarkaði 1.185 eða 53% (54% af úthlutuðu fjármagni).

Markhópur vinnumarkaðshluta almenna íbúðakerfisins í lok árs 2022 er metinn um 10.000 heimili. Þá er ekki tekið tillit til þarfir félagslegar íbúðir, svo sem skjölstæðinga félagsþjónustu sveitarfélaga, öryrkja, aldraðra og námsmanna.

Almenn ánægja er með kerfi almennra íbúða og það hefur það skapað jákvæðan hvata til byggingar hagkvæms leiguþúsnæðis. Átakshópurinn leitaði eftir ábendingum frá þeim sem komið hafa að uppbyggingu kerfisins um hvað mætti betur fara. Meðal þess sem bent var á var að a) bæta mætti umsóknarferlið, b) mikilvægt væri að tryggja verðlagsuppþærslur stofnframlaga, c) tryggja þyrfti hagkvæmari lánsfjármögnun, d) auka mætti sveigjanleika í kerfinu og e) auka þyrfti verulega það fjármagn sem væri til úthlutunar.

Leigutekjur af almennri íbúð eiga að geta staðið undir viðhalds- rekstrar- og fjármagnskostnaði íbúðar. Miðað við útreikninga frá Bjargi íbúðafélagi er leiga af 3ja herberga  $70\text{ m}^2$  íbúð í Reykjavík 177 þús. kr. ef miðað er við 4,2% verðtryggða vexti til langs tíma af 70% af stofnþostnaði. Ef vextir væru 2,8% yrði leiga fyrir sömu íbúð 157 þús. kr. eða um 13% lægri. Það er áhyggjuefni að töluvert er um að umsækjendur um leigu íbúðir hjá Bjargi séu það tekjulágir að markmið um halda húsnæðiskostnaði undir 25% af tekjum nást ekki. Svo það náist þarf að koma til hagkvæmari fjármögnun eða hærra hlutfall stofnframlags.

Mikilvægt er að tryggja að sveitarfélög komi með virkum hætti að greiningu á þörf fyrir leiguþúsnæði fyrir tekjulága einstaklinga og fjölskyldur í sveitarfélagini í húsnæðisáætlunum sínum. Sveitarfélögum ber samkvæmt lögum um félagsþjónustu sveitarfélaga og lögum um húsnæðismál að tryggja þeim félagslegt leiguþúsnæði sem ekki geta séð sér og sínum fyrir eða eftir atvikum möguleika á almennum íbúðum. Þá ber sveitarfélögum sem mynda

<sup>2</sup> Sbr. skuldabréfaútboð Félagsbústaða hf. í september 2018

sameiginlegt atvinnusvæði að gera sameiginlega húsnæðisáætlun fyrir svæðið, þar á meðal um þörf fyrir félagslegt húsnæði og áætlun um uppbyggingu þess. Með þeim hætti geta sveitarfélög tekið sameiginlega ábyrgð á því verkefni sem fyrir liggur varðandi félagslegar íbúðir. Í því skyni er lagt til annars vegar að sveitarfélög sjái til þess að í skipulagi sé ákveðnu hlutfalli lóða úthlutað til uppbyggingar almennra íbúða og leiguíbúða á vegum óhagnaðardrifinna félaga og hins vegar að skylt sé að úthluta ákveðnu hlutfalli lóða (t.d. 5%) til uppbyggingar félagslegs húsnæðis sveitarfélaga. Lagt er til að ríki og sveitarfélög taki upp viðræður um nauðsynlegar lagabreytingar í þessum eftum.

Tillögur:

1. Hluti af uppbyggingu íbúða til að mæta óuppfylltri íbúðaþörf verði innan kerfis almennra íbúða með því að ríki og sveitarfélög auki fjarveitingu í stofnframloð á næstu árum.
2. Setja verði í forgang við ráðstöfun stofnframлага og annarra opinberra framлага vegna uppbyggingar á íbúðarleigu húsnæði verkefni þar sem góðar almenningssamgöngur eru fyrir hendi.
3. Til að stuðla að fjölbreytni og sveigjanleika, sem tryggi öllum öruggt íbúðarhúsnæði á viðráðanlegu verði, verði lagt til að ríki og sveitarfélög taki upp viðræður um að lögfesta skyldu sveitarfélaga til að taka þátt í uppbyggingu á almennum leiguíbúðum og að ráðstafa í skipulagi 5% af byggingarmagni á nýjum reitum/hverfum til uppbyggingar á félagslegu leiguíbúðahúsnæði sem þau sinna sjálf eða í samstarfi við óhagnaðardrifin leiguþélög. Í húsnæðisáætlunum sveitarfélaga verði gerð grein fyrir því hvernig framannefnt lagaákvæði verði uppfyllt.
4. Tekjumörk inn í almenna íbúðakerfið verði endurskoðuð og taki mið af tveimur neðstu tekjufimmungunum líkt og gert var ráð fyrir í upphafi enda komi þá til aukning stofnframлага þannig að þetta dragi ekki úr uppbyggingu vegna tekjulægsta fimmungusins.
5. Fjármagnskostnaður stofnframlagshafa verði lækkaður til að tryggja framgang almenna íbúðakerfisins. Í því skyni er m.a. hægt að stofna nýjan lánaflokk hjá íbúðalánasjóði sem heimilar sjóðnum að lána til kaupa eða bygginga almennra íbúða skv. lögum nr. 52/2016 eða auka tímabundið hlutfall stofnframлага.
6. Stærri hluti stofnframlags geti komið til útgreiðslu við samþykkt umsóknar í því skyni að lækka fjármagnskostnað á byggingartíma.
7. Stofnframlagshöfum verði heimilað að fjármagna sig með með útboði sértryggðra skuldabréfa.

## **II. Önnur uppbygging til að auka aðgengi tekjulágra að íbúðum á viðráðanlegu verði**

Mikilvægt er að leîta einnig annarra leiða til að auka framboð hagkvæmra íbúða, hvort sem er til kaups eða leigu.

Reynslan frá Norðurlöndunum og staðan á íslenskum leigumarkaði sýnir nauðsyn þess að til staðar séu sterkt leiguþélög sem ekki eru rekin í hagnaðarskyni og hafa hagsmuni leigutaka að leiðarljósi. Bjarg íbúðafélag hses. er dæmi um slíka uppbyggingu á íslenskum leigumarkaði en Bjarg leigir þó eingöngu ákveðnum hópum, þ.e. félagsmönnum ASÍ og BSRB sem eru undir

vissum tekju- og eignamörkum. Núna eru yfir 35 þús. heimili á leigumarkaði sem er langt umfram samanlagðan markhóp Bjargs íbúðafélags og áætlaða stærð annarra félagshópa.

Markmiðið er að á íslenskum húsnæðismarkaði starfi jafnframt óhagnaðardrifin húsnæðisfélög sem tryggi framboð á viðunandi húsnæði á viðráðanlegu verði fyrir millitekjuhópa til leigu eða kaups. Slik félög yrðu ekki bundin kvöldum sambærilegum þeim sem gilda í almenna íbúðakerfinu; þau gætu byggt fyrir alla hópa, selt íbúðir t.d. sem fyrstukaupaúrræði eða til tekjulágra, leigt í langtímaleigu, keypt íbúðir á markaði, verið með kaupleigu eða kaupréttarfyrirkomulag o.fl. Félögin gætu t.d. unnið með Bjargi að því að tryggja félagslega blöndun og stuðlað að því að jafna sveiflur á byggingarmarkaði með því að stýra uppbyggingu eftir stöðu á markaði hverju sinni.

Til er Leigufélagið Blær sem ASÍ og BSRB stofnuðu í þessum tilgangi. Hugmyndir hafa verið uppi um nokkrar leiðir í fjármögnun þess félags en þær og fleiri hugmyndir þarfast frekari skoðunar. Til þess að félag sem þetta verði raunhæfur valkostur er nauðsynlegt að stéttarfélögin, SA og lífeyrissjóðir taki upp viðræður um þá möguleika sem fyrir hendi eru um fjármögnun verkefna á þeim forsendum sem lagt er upp með.

Utan höfuðborgarsvæðisins hefur Íbúðalánasjóður fjármagnað eigið fé í húsnæðisfélagini Bríeti, en tilgangur þess félags er langtímaleiga íbúðarhúsnæðis á landsbyggðinni.

Tillögur:

8. Leitað verði eftir samstarfi stéttarfélaga, SA og lífeyrissjóða um fjármögnun húsnæðisfélagsins Blæs.
9. Gert verði ráð fyrir að óhagnaðardrifin húsnæðisfélög verði hluti af uppbyggingu húsnæðismarkaðar á næstu árum.
10. Óhagnaðardrifin húsnæðisfélög taki þátt í uppbyggingu íbúðarhúsnæðis á margvislegan hátt. Þau geti m.a. komið að uppbyggingu íbúða sem henta úrræðum stjórnvalda um sértaðar aðgerðir til að auðvelda ungu og tekjulágu fólk að kaupa sér íbúðarhúsnæði.

### III. Leiguvernd – öruggari leigumarkaður

Áætlað er að rúmlega 35.000 heimili séu á leigumarkaði í dag. Um 17% fullorðinna einstaklinga 18 ára og eldri eru á leigumarkaði en rúmlega 70% eiga húsnæðið sem þau búa í. Heimilum á leigumarkaði fjölgaði um 60% á milli áranna 2006 og 2016 á meðan heildarfjöldi heimila í landinu jókst einungis um 14% á sama tímabili. Meirihluti leigjenda er ungt fólk og heimilistekjur meirihluta leigjenda eru á bilinu 250-800 þús. kr. á mánuði. Tæp 60% leigusala eru einstaklingar, um 16% eru einkarekin leigufélög og um 25% sveitarfélög, önnur félög og félagasamtök.

Leiguverð hefur hækkað mikið á undanförnum árum sem kemur verst við þá tekjulægstu og viðhorfskannanir sína að margir leigjendur upplifa lítið húsnæðisöryggi við núverandi aðstæður. Húsaleigulögum var breytt á árinu 2016 en með því var horft m.a. til þess að auka leigjendavernd. Vegna skorts á íbúðarhúsnæði getur samningsstaða leigutaka hins vegar verið veik og mörg dæmi eru um að leigjendur samþykki aðgerðir af hálfu leigusala sem ganga gegn réttindum þeirra af ótta við að missa húsnæðið. Þá takmarka leigusalar réttindi leigutaka með því að hafa leigusamninga tímabundna. Enn fremur telja þeir sem leigja af einstaklingi á almennum markaði meiri líkur en aðrir á að þeir missi húsnæðið sitt. Stuðla þarf að því að útleiga íbúðarhúsnæðis

verði í meira mæli á vegum félaga en auðveldara er að setja reglur utan um starfsemina og hafa eftirlit með henni í því formi.

Tillögur:

11. Ákvæði húsaleigulaga verði endurskoðuð til að bæta réttarstöðu leigjenda t.d. hvað varðar:
  - a. Ákvörðun leiguþárhæðar í upphafi leigu og heimildir til breytinga á henni á leigutíma, óháð því hvort um ótímabundinn samning eða endurnýjun á tímabundnum samningi sé að ræða.
  - b. Lengd og uppsögn leigusamninga, þ.m.t. skilgreiningu á langtímaleigu
  - c. Möguleg úrræði og viðurlög við brotum gegn ákvæðum húsaleigulaga
  - d. Gæta þarf að því að breytingar á húsaleigulögum hækki ekki leiguverð eða dragi úr framboði á leigumarkaði.
12. Hafið verði fræðsluátak um réttindi og skyldur leigjenda og leigusala, sem og réttarúrræði þeirra þegar aðili leigusamnings telur brotið gegn rétti sínum, og þess gætt að upplýsingar séu aðgengilegar á fleiri tungumálum en íslensku.
13. Áhersla verði lögð á skráningu leigusamninga í opinbera gagnagrunna og útfærðar leiðir til að hvetja aðila til að gera upplýsingar um leiguverð og lengd leigusamninga aðgengilegar, t.d. með því að binda skattaafslátt vegna langtímaleigu við skráningu í gagnagrunn.
14. Sveigjanleiki í útleigu á hluta húsnæðis verði aukinn.
15. Sveitarfélög þar sem skortur er á húsnæði fái heimild með tilgreindum skilyrðum til að flokka íbúðir sem eigandi býr ekki í eða sem ekki eru í langtímaleigu sem atvinnuhúsnæði, þ.e. c-flokk í merkingu laga um tekjustofna sveitarfélaga (tómhúsagjald).
16. Stuðningur við hagsmunasamtök leigjenda verði aukinn og þau gerð að virkum málsvara leigjenda.

#### IV. Skipulags- og byggingarmál

Áatakshópurinn er sammála um að stórauka þurfi samvinnu stjórvalda og annarra sem koma að skipulags-, byggingar- og húsnæðismálum, enda eru málefni dreifð innan stjórnsýslunnar sem dregur úr skilvirkni í stefnumótun og ákvarðanatöku. Þá þurfi að auka þátt rafrænnar stjórnsýslu í öllum ferlum. Höpurinn er jafnframt sammála um að ráðast þurfi í sértaekar aðgerðir til að lækka byggingarkostnað, m.a. breytingar á regluverki.

Sem dæmi má nefna einföldun ferla í skipulagsgerð til að auka skilvirkni og að málsmeðferðartími verði styttur og sveigjanleiki aukinn. Skipulagsskilmálar séu ekki óþarflega íþyngjandi, og þar með kostnaðarvaldandi, og að dregið sé úr kröfum og skilgreiningum í deiliskipulagi þannig að sveigjanleiki við þróun og byggingu húsnæðis aukist. Kveðið verði á um mismunandi málshraða hjá úrskurðarnefnd umhverfis- og auðlindamála þannig að einfaldari mál fái skjóta úrlausn. Gjaldskrár sveitarfélaga verði einfaldaðar og þær gerðar aðgengilegri og gagnsærri.

Talið er nauðsynlegt að byggingarreglugerð verði endurskoðuð m.t.t. þróunar hliðstæðra reglugerða í nágrannalöndum okkar. Einnig þarf að horfa til þess að kröfur um byggingareftirlit verði í samræmi við tegund og umfang mannvirkja.

Þá er einnig lagt til að í skipulagslögum verði sveitarfélögum gert heimilt að setja skilyrði um hlutfall leiguþúsnaðis, þar með talið almennra íbúða, með sambærilegum hætti og þekkist í Danmörku (Carlsberg-ákvæðið), hvort sem eigandi lands er sveitarfélag, ríki eða einkaaðili.

Fyrir liggur að talsverður fjöldi fólks býr við óviðunandi aðstæður í ósamþykktu og óskráðu húsnæði og heimilisleysi hefur aukist til muna. Nauðsynlegt er að bregðast við þessari stöðu og í því skyni er lagt til að heimildir í lögum fyrir búsetuúrræði sem geti gagnast til skamms tíma verði auknar. Heimilað verði að veita stöðuleyfi fyrir tímabundna staðsetningu íbúða og heimila búsetu á atvinnusvæðum í húsnæði sem uppfyllir nauðsynlegar kröfur um búsetu þó að dregið verði úr ítrstu kröfum byggingarreglugerðar. Með því væri hagur þessa hóps bættur og komið á tryggara eftirliti með aðbúnað þess.

#### Tillögur:

17. Samstarf og rafræn stjórnsýsla: Myndaður verði samstarfsvertnangur stjórnvilda og annarra hagsmunaaðila, s.s. Íbúðaláanasjóðs, Mannvirkjastofnunar, Skipulagsstofnunar, Byggðastofnunar og Sambands íslenskra sveitarfélaga, auk hlutaðeigandi ráðuneyta og aðila vinnumarkaðarins, til að auka yfirsýn yfir skipulags- og byggingarmál og rafræna stjórnsýslu.
18. Einföldun regluverks: Ráðist verði í einföldun á regluverki skipulags- og byggingarmála og tími til gera athugasemdir við skipulag eða leyfi styttur.
19. Auðvelda deiliskipulagsbreytingar: Hið flókna og tímafreka ferli við breytingar á deiliskipulagi, sem seinkar uppbyggingu íbúðarhúsnæðis og eykur byggingarkostnað, verði einfaldað.
20. Sveigjanlegri skipulagsskilmálar: Sveigjanleiki í deiliskipulagi og skipulagsskilmálum þeirra verði aukinn en það hvetur til nýrra og hagkvæmari lausna í mannvirkjagerð sem skilar sérl í lægri byggingarkostnaði, án þess þó að gerðar séu minni kröfur um umhverfisgæði bygginga og vistspor framkvæmda.
21. Samræming byggingarreglugerða: Leitast verði við að færa ákvæði byggingarreglugerðar nær því sem þekkist á Norðurlöndunum þar sem stjórnsýsla er einfaldari og skilvirkari.
22. Skil og yfirferð hönnunargagna: Hönnunargögnum verði skilað rafrænt, t.d. í gegnum byggingargátt, og tryggt að ferli við yfirferð þeirra verði faglegt og samræmt milli byggingarfulltrúa og í samræmi við skoðunarhandbók.
23. Breytilegt umfang byggingareftirlits: Mat á þörf fyrir rýni hönnunar og framkvæmdaeftirlit hverju sinni styðjist við fyrirfram ákveðna flokkun mannvirkja, s.s. eftir samfélagslegu mikilvægi þeirra.
24. Útvistun byggingareftirlits: Komið verði á útvistun byggingareftirlits að fyrirmund Norðmanna, þar sem ríkið vottar fyrirtæki sem sinna byggingareftirliti. Slíkt myndi auka skilvirkni.
25. Íbúðarhúsnæði til skammtímanota: Í skipulagslöggjöf verði skilgreint og heimilt að útbúa íbúðarhúsnæði til skammtímanota á athafnasvæðum og að enn fremur verði heimilt að reisa skammtímahúsnæði til að bregðast við tímabundnum vanda. Tilgangur slíkra heimilda er að vinna gegn búsetu í óviðunandi og ósamþykktu húsnæði, mæta þörf vegna tímabundinnar búsetu og vinna gegn heimilisleysi.
26. Endurgreiðsla virðisaukaskatts aukin: Endurgreiðsla virðisaukaskatts af vinnu á verkstað við gerð íbúðarhúsnæðis verði aukin í 100%.
27. Carlsberg-ákvæðið: Sveitarfélögum verði tryggðar heimildir í skipulagslögum til að gera kröfu um að alit að 25% af byggingarmagni samkvæmt nýju deiliskipulagi fyrir

tilgreint svæði skuli vera fyrir almennar íbúðir, félagslegar íbúðir eða aðrar leiguíbúðir, hvort sem eigandi lands er sveitarfélag, ríki eða einkaaðili.

## V. Samgöngur

Mikilvægt er að hafa í huga að hagkvæmni búsetu þarf að skoða með hliðsjón af íbúðaverði, kostnaði fjölskyldna við samgöngur, atvinnu- og skólasókn og öryggi samgöngumannvirkja. Þetta á við um samgönguinnviði innan höfuðborgarsvæðisins og á vaxtarsvæðum í nágrenni þess. Auk innviða þarf að huga að hagkvæmri samgöngupjónustu, þ.e. framboði á almenningssamgöngum. Notkun almenningssamgangna dregur úr umhverfisáhrifum, kostnaði við bílastæði og ekki síst samgöngukostnaði.

Tillögur:

28. Uppbygging leiguíbúða fyrir tekjulága taki fyrst og fremst mið af þörfum fjölskyldna og einstaklinga með tilliti til atvinnu og hagkvæmni búsetu en hana þarf að meta með hliðsjón af íbúðaverði, aðgengi að hagkvæmum og skilvirkum almenningssamgöngum, atvinnu- og skólasókn og öryggi samgöngumannvirkja.
29. Uppbyggingu borgarlínu verði hraðað í ljósi mikillar uppbyggingar íbúða á höfuðborgarsvæðinu og vaxtarsvæðum á næstu árum
30. Framkvæmdum á stofnbrautum umhverfis höfuðborgarsvæðið samkvæmt samgönguáætlun verði hraðað.
31. Gjaldssvæði almenningssamgangna á vaxtarsvæðum verði samræmd og einfölduð í þeim tilgangi að jafna og lækka samanlagðan húsnæðis- og samgöngukostnað íbúa á þeim svæðum.
32. Tekinn verði upp sérstakur samgöngupassi sem veittur er námsmönnum og leigjendum undir tekju- og eignamörkum almenna húsnæðiskerfisins. Passinn veiti aðgang að almenningssamgöngum á höfuðborgarsvæðinu og á vaxtarsvæðum umhverfis höfuðborgarsvæðið.

## VI. Ríkislöðir

Keldur, og eftir atvikum Keldnaholt, gætu nýst sem land undir þróunarvinnu. Skipulag myndi taka mið af ákvæði í anda Carlsberg-ákvæðisins, þ.e. að ákveðinn hluti íbúða yrði hagkvæmar leiguíbúðir fyrir tekjulága líkt og félagslegar íbúðir sveitarfélags og almennar íbúðir skv. lögum þar um og veittur yrði afsláttur af lóðarverði enda haldist íbúðirnar í þeirri notkun. Aðrar lóðir yrðu seldar á markaðsvirði. Leitað yrði eftir samvinnu við t.d. verkata og fasteignaþróunarfelög um hagkvæma uppbyggingu og skoðaðir möguleikar þess að ráðast í tilraunaverkefni með undanþágur frá reglum í skipulags- og/eða byggingarlöggjöf sem væru til þess fallna að lækka byggingarkostnað og stytta byggingartíma. Á móti myndu byggingaraðilar festa verð þannig að ábatinn skilaði sér í lækkuðu íbúðaverði. Þessa aðferðafræði mætti einnig skoða á öðrum svæðum innan sveitarfélaga þar sem ríkið er eigandi lands eða lóða.

Tillögur:

33. Ríkið og Reykjavíkurborg komist að samkomulagi um að hefja skipulagningu Keldnalands, m.a. með markmið um félagslega blöndun, og semji í framhaldinu um

eignarhald og framkvæmdir. Tekið verði mið af því að hefja skipulagningu á landinu á árinu 2019 og að til byggingar komi samhliða öðrum áfanga Borgarlínu.

## VII. Mikilvægi upplýsinga um húsnæðismál

Til að stuðla að stöðugleika á húsnæðismarkaði skiptir sköpum að til staðar séu áreiðanlegar upplýsingar um húsnæðismál á landsvísu. Staðreyndin er sú að upplýsingar um húsnæðismál liggja víða og þær eru oft óaðgengilegar, ósamанburðarhæfar og í vissum tilvikum óáreiðanlegar. Í þessum málum eins og svo mörgum öðrum er samstarf lykillinn að árangri.

Helstu aðilar sem búa yfir eða safna upplýsingum um húsnæðismál eru:

- Hagstofa Íslands
- Þjóðskrá Íslands
- Skipulagsstofnun
- Mannvirkjastofnun
- Íbúðalánasjóður
- Seðlabanki Íslands
- Varasjóður húsnæðismála
- Jöfnunarsjóður sveitarfélaga
- Sveitarfélög
- Samband íslenskra sveitarfélaga
- Ríkisskattstjóri
- Fjármálaeftirlitið
- Samtök iðnaðarins
- Byggðastofnun
- Félag Fasteignasala

Íbúðalánasjóður hefur nú það lögþundna hlutverk að annast og beita sér fyrir því að gerðar verði rannsóknir á sviði húsnæðismála og koma á framfæri við almenning upplýsingum er varða húsnæðismál, auk þess að halda utan um húsnæðisáætlunar sveitarfélaga, annast greiningu og útgáfu upplýsinga á sviði húsnæðismála og meta þörf fyrir búsetuúrræði. Sjóðurinn vinnur nú að gerð húsnæðisgrunns sem verður miðlægur gagnagrunnur fyrir upplýsingar um húsnæðismál.

Tillögur:

34. Samstarf opinberra stofnana sem hafa það hlutverk að safna og miðla upplýsingum um húsnæðismál verði aukið, myndaður verði öflugur samstarfsverttvangur opinberra aðila og þeir vinni að sameiginlegum skilgreiningum sem hægt verði að styðjast við í greiningum á upplýsingagjöf húsnæðismála.
35. Notkun byggingargáttar Mannvirkjastofnunar verði gerð að lagaskyldu fyrir bæði byggingarstjóra og byggingarfulltrúa og komið verði til móts við sveitarfélög vegna kostnaðar við nauðsynlegar breytingar á upplýsingakerfum til þess að tryggja tengingu við byggingargátt.
36. Stjórnvöld og sveitarfélög leggi sér taká áherslu á vinnslu húsnæðisáætlana og sameiginlegrar þarfagreiningar fyrir húsnæði á skilgreindum vinnusóknarsvæðum og hugað verði að samspili milli skipulagsáætlana og húsnæðisáætlana.
37. Hafið verði átak til að safna upplýsingum um fjölda óskráðra íbúða og skilgreindir hagrænir hvatar sem leiða til þess að eigendur óskráðra íbúða sjáí sér hag í því að íbúðin komi fram í opinberum skráningum.
38. Lögfestar verði lögheimilisskráningar á fasteignanúmer og hafið átaksverkefni þar sem eldri lögheimilisskráningar verði yfirfarnar og skráðar á íbúðir.
39. Farið verði yfir skilgreiningar á matsstigum og byggingarstigum með samræmingu og einföldun í huga.
40. Almennar húsnæðiskarðnanir á landsvísu verði reglubundinn þáttur í upplýsingaöflun hins opinbera sem hægt verði að leggja til grundvallar við þarfagreiningu á íbúðarhúsnæði til lengri tíma.

Reykjavík, 19. janúar 2019

Formaður

Annar G. Ingvarsdóttir


Anna Guðmunda Ingvars dóttir

Formaður

GÍS. Gíslason


Gíslason

Fulltrúi SA



Eyjólfur Árni Rafnsson

Fulltrúi félags- og barnamálaráðherra




Arnar Þór Sævarsson

Fulltrúi ASÍ



Ragnar Þórir Ingólfsson

Fulltrúi forsætisráðherra



Benedikt Árnason

Fulltrúi BHM, BSRB og KÍ



Þórunn Sveinbjarnardóttir

Fulltrúi fjármála- og efnahagsráðherra



Fjóla Agnarsdóttir

Fulltrúi Sambands íslenskra sveitarfélaga



Berglind Kristinsdóttir

Fulltrúi Sambands íslenskra sveitarfélaga



Birgir Björn Sigurjónsson



## Viðauki: Íbúðir í byggingu, spár um nýbyggingar og möguleg byggingasvæði

Í þessum viðauka er farið yfir fjölda íbúða í byggingu á kjarna- og vaxtarsvæðum, gerðir þeirra og mögulega byggingareiti. Notast er við svör sveitarfélaga við fyrirspurn átakshópsins, mat Samtaka iðnaðarins (SI) á fjölda íbúða í byggingu, gögn Samtaka sveitarfélaga á höfuðborgarsvæðinu og gögn úr fasteignaskrá þjóðskrár Íslands. Jafnframt eru birtar spár um fjölda fullgerðra íbúða á næstu árum.

Helstu niðurstöður eru:

- Um 6.600 íbúðir eru í byggingu á kjarna- og vaxtarsvæðum samkvæmt nýjustu upplýsingum. Þar af eru um 5.300 á höfuðborgarsvæðinu (Tafla 1).
- Áætlað er að á árunum 2019 og 2020 muni framkvæmdum ljúka við rúmlega 6.000 íbúðir á kjarna- og vaxtarsvæðum, þar af 4.900 á höfuðborgarsvæðinu.
- Mögulegt er að hefja uppbyggingu á 5.000-9.000 íbúðum á höfuðborgarsvæðinu á árunum 2019 og 2020. Þessar íbúðir gætu verið tilbúnar til búsetu 2021 og 2022 (Tafla 2).
- 76% allra íbúða sem eru skráðar í byggingu á kjarna- og vaxtarsvæðum eru með 2-4 herbergjum og 55% íbúða í byggingu eru á bilinu 61-120 fermetrar að stærð.
- Um 1.300 íbúðir hjá óhagnaðardrifnum húsnæðisfélögum eru nú í byggingu á kjarna- og vaxtarsvæðum, fyrst og fremst í Reykjavík. Gert er ráð fyrir að yfir 2.000 íbúðum í þeim flokki á byggingarsvæðum á höfuðborgarsvæðinu sem gætu farið í uppbyggingu á næstu tveimur árum (Tafla 3).
- Margt bendir til að vandamálið lúti fremur að skorti á íbúðum fyrir þá sem höllum fæti standa en að ekki séu nógu margar íbúðir í byggingu eða undirbúningi.

### 2.1 Íbúðir í byggingu

#### Fjöldi íbúða í byggingu

Tafla 1 sýnir fjölda íbúða í byggingu í öllum sveitarfélögum á kjarna- og vaxtarsvæðum.<sup>1</sup> Upplýsingarnar eru fengnar úr nokkrum áttum og er miðað við nýjustu og/eða áreiðanlegustu tölur fyrir hvert sveitarfélag.

Alls eru um 6.600 íbúðir í byggingu á kjarna- og vaxtarsvæðum samkvæmt þessari samantekt. Þar ber að setja þann fyrirvara að mat sveitarfélaga á fjölda íbúða í byggingu kann að byggjast á mismunandi forsendum og skilgreiningum, að samantekt SSH miðar við 3. ársfjórðung 2018 og að fjórir mánuðir eru liðnir síðasta íbúðatalning SI fór fram.


Mynd 1 sýnir hvernig fjöldi íbúða í byggingu á höfuðborgarsvæðinu hefur þróast á þessu ári. 5.300 íbúðir eru í byggingu á höfuðborgarsvæðinu samkvæmt svörum sveitarfélaga og samantekt SSH. Það eru 9% fleiri íbúðir en komu fram í síðustu íbúðatalningu SI í september og 28% fleiri íbúðir en í íbúðatalningu SI í mars. Mest fjölgun íbúða í byggingu hefur orðið í Reykjavík en þar hafa nokkur stór byggingaverkefni farið af stað á undanförnum mánuðum.

<sup>1</sup> Höfuðborgarsvæðið, Suðurnes, Akranes, Árborg, Hveragerði, Ölfus og Akureyri.

Tafla 1. Íbúðir í byggingu á kjarna- og vaxtarsvæðum.

Sveitarfélag	Fjöldi íbúða í byggingu	Heimild
Reykjavík	3.325	Svar sveitarfélagsins, des. 2018
Kópavogur	670	Samantekt SSH, 3. ársfj. 2018
Garðabær	509	Samantekt SSH, 3. ársfj. 2018
Hafnarfjörður	217	Samantekt SSH, 3. ársfj. 2018
Mosfellsbær	499	Samantekt SSH, 3. ársfj. 2018
Seltjarnarnes	37	Samantekt SSH, 3. ársfj. 2018
Kjósarhreppur	6	Fasteignaskrá, des. 2018
<u>Höfuðborgarsvæði, samtals</u>	<u>5.263</u>	
Reykjanesbær	495	Svar sveitarfélagsins, des. 2018
Grindavík	81	Svar sveitarfélagsins, des. 2018
Sandgerði/Garður	23	Samtök iðnaðarins, sept. 2018
Vogar	35	Svar sveitarfélagsins, des. 2018
Akranes	119	Svar sveitarfélagsins, des. 2018
Árborg	267	Samtök iðnaðarins, sept. 2018
Ölfus	27	Svar sveitarfélagsins, des. 2018
Hveragerði	48	Samtök iðnaðarins, sept. 2018
Akureyri	222	Svar sveitarfélagsins, des. 2018
<u>Önnur vaxtarsvæði, samtals</u>	<u>1.317</u>	
<u>Öll kjarna- og vaxtarsvæði, samtals</u>	<u>6.580</u>	

Mynd 1. Íbúðir í byggingu á höfuðborgarsvæðinu.




## Gerðir íbúða í byggingu

Um þriðjungur íbúða sem skráðar eru í byggingu á kjarna- og vaxtarsvæðum eru þriggja herbergja íbúðir.<sup>2</sup> 23% íbúða í byggingu eru fjölgurra herbergja og 18% tveggja herbergja. Samanlagt eru 2-4 herbergja íbúðir því um 76% allra íbúða í byggingu á kjarna- og vaxtarsvæðum. Eins og sjá má á mynd 2 eru hlutfallslega fleiri 1-3 herbergja íbúðir í byggingu en sem samsvarar hlutdeild þessara stærðarflokka af íbúðum í heild. Hlutfallslega mun færri íbúðir með 6 eða fleiri herbergjum eru nú í byggingu en sem samsvarar hlutdeild slíkra íbúða í húsnæðisstofnunum. Íbúðir á höfuðborgarsvæðinu eru að jafnaði með færri herbergjum en íbúðir annars staðar á kjarna- og vaxtarsvæðum. Það á við um bæði íbúðir í byggingu og þær íbúðir sem fyrir eru.

Mynd 2. Herbergjafjöldi íbúða


### Herbergjafjöldi íbúða á kjarna- og vaxtarsvæðum



Heimild: Þjóðskrá Íslands.

Mynd 3. Stærð íbúða

### Stærð íbúða á kjarna- og vaxtarsvæðum



Heimild: Þjóðskrá Íslands.

<sup>2</sup> Heimild: Fasteignaskrá. Tölur úr fasteignaskrá eru háðar þeim annmarka að þær eru oft uppfærðar með nokkurri töf.

Mynd 3 sýnir hlutfall íbúða eftir stærðarflokum, annars vegar meðal íbúða í byggingu og hins vegar meðal þeirra íbúða sem fyrir eru. Um 55% allra íbúða sem skráðar eru í byggingu á kjarna- og vaxtarsvæðum eru á bilinu 61-120 fermetrar að stærð samkvæmt fasteignaskrá. Það er svipað og sem nemur hlutdeild þessa stærðarflokka af íbúðum í heild (52%).

Þær íbúðir sem eru nú í skráðar byggingu á höfuðborgarsvæðinu eru að jafnaði 118 fermetrar að stærð. Meðalstærð íbúða í byggingu er þó mismunandi bæði innan Reykjavíkur og milli sveitarfélaga. Samkvæmt fasteignaskrá eru íbúðir í byggingu stærstar í Garðabæ og Mosfellsbæ eða á milli 150-160 fermetrar að jafnaði. Samkvæmt upplýsingum frá Reykjavíkurborg er meðalstærð íbúða í byggingu í borginni hins vegar innan við 100 fermetrar í flestum borgarhlutum og um 87 fermetrar í borginni í heild. Flestir af þeim byggingareitum í borginni þar sem meðalstærð íbúða er minnst eru miðsvæðis í Reykjavík.<sup>3</sup> Hlutfallslega meiri uppbygging á sér nú stað miðsvæðis á höfuðborgarsvæðinu, einkum í Reykjavík, en verið hefur á undanförnum árum. Þar er íbúðaverð jafnframt hæst.

Af þeim 5.300 íbúðum sem nú eru í uppbyggingu á höfuðborgarsvæðinu eru 1.100 íbúðir á vegum húsnæðisfélaga sem ekki eru rekin í hagnaðarskyni. Auk þess eru um 200 almennar íbúðir í byggingu annars staðar á kjarna- og vaxtarsvæðum. Alls eru þetta 1.300 íbúðir eða um 20% af þeim íbúðum sem eru í byggingu á kjarna- og vaxtarsvæðum.

## 2.2 Möguleg byggingasvæði

### Höfuðborgarsvæðið

Í töflu 2 er samantekt Samtaka sveitarfélaga á höfuðborgarsvæðinu á mögulegum byggingasvæðum á höfuðborgarsvæðinu. Taflan sýnir fjölda íbúða sem mögulegt er að byggja á næstu árum. „Úthlutunarhæf byggingarsvæði“ nær til íbúða á byggingarhæfum svæðum sem ekki er byrjað að byggja en hægt er að hefjast handa við strax. „Samþykkt deiliskipulag“ eru svæði sem eru ekki byggingarhæf en þar sem deiliskipulag liggur fyrir. „Svæði í skipulagsferli“ nær til svæða þar sem formlegt deiliskipulagsferli er hafið, stefna sveitarfélagsins liggur fyrir í grófum dráttum en eftir er að ljúka skipulagi. „Þróunarsvæði“ eru önnur möguleg framkvæmdasvæði þar sem hugmyndavinna stendur yfir. Mörg stór þróunarsvæði eru á forræði stakra aðila og geta því komist hratt á uppbyggingarstig sé til þess vilji, dæmi um slík svæði eru Keldur og Blikastaðaland.

Að því gefnu að það taki að meðaltali tvö ár að fullklára íbúð þá gætu íbúðir á úthlutunarhæfum svæðum komið á markað frá og með árinu 2021. Alls er gert ráð fyrir 5.400 íbúðum á svæðum sem eru úthlutunarhæf í dag. Á svæðum þar sem deiliskipulag liggur fyrir en byggingareitir eru ekki úthlutunarhæfir gætu íbúðir komið á markað árið 2022 og síðar. **Byggja má um 3.400 íbúðir til viðbótar á svæðum sem eru nú á því skipulagsstigi.** Þá má byggja mikinn fjölda íbúða á svæðum sem nú eru í deiliskipulagsferli og/eða á svokölluðum þróunarsvæðum sem geta orðið byggingarhæf á næstu misserum. Af töflu 2 má lesa að á öllum svæðunum sem um ræðir, óháð skipulagsstigi, má gera ráð fyrir samtals um 34 þúsund íbúðum miðað við fyrirliggjandi áætlunar. Svo virðist sem nægilega mikið sé af mögulegum byggingasvæðum á höfuðborgarsvæðinu til að standa undir þeirri uppbyggingu sem þarf á svæðinu á næstu árum.

<sup>3</sup> Þetta eru m.a. námsmannaíbúðir HÍ og HR, íbúðir á Sléttuvegi og á Barónsreit, Hljómalindareitur, Brynjureitur og RÚV-reitur.

Tafla 2. Áætlaður fjöldi íbúða á fyrirhuguðum byggingarsvæðum á höfuðborgarsvæðinu.

	Úthlutunarhæf byggingarsvæði	Samþykkt deiliskipulag en ekki úthlutunarhæft	Svæði í skipulagsferli	Þróunarsvæði	Alls
Reykjavík	3.300	1.300	7.600	5.100	17.300
Kópavogur	1.300	800	1.200	0	3.300
Hafnarfjörður	300	400	800	1.700	3.200
Garðabær	400	600	1.100	4.800	6.900
Mosfellsbær	100	200	0	2.500	2.800
Seltjarnarnes	0	100	0	0	100
<b>Samtals</b>	<b>5.400</b>	<b>3.400</b>	<b>10.700</b>	<b>14.100</b>	<b>33.600</b>

Gert er ráð fyrir um 6.100 íbúðum á vegum óhagnaðardrifinna húsnæðisfélaga á byggingarsvæðunum í töflu 2. Það er um 18% af heildarfjölda íbúða á þessum svæðum og kemur til viðbótar þeim 1.100 íbúðum á vegum óhagnaðardrifinna félaga sem eru nú þegar í byggingu. Tafla 3 sýnir hvernig byggingareitir fyrir íbúðir á vegum óhagnaðardrifinna húsnæðisfélaga á höfuðborgarsvæðinu skiptast eftir skipulagsstigi. Með hliðsjón af fjölda íbúða í byggingu, á úthlutunarhæfum byggingarsvæðum og á svæðum þar sem deiliskipulag hefur verið samþykkt má ætla að byggðar verði 3.100 íbúðir á vegum óhagnaðardrifinna húsnæðisfélaga á höfuðborgarsvæðinu til ársins 2022, þar af 90% í Reykjavík.

Tafla 3. Íbúðir á vegum óhagnaðardrifinna húsnæðisfélaga eftir skipulagsstigi

	Fjöldi íbúða á vegum óhagnaðardrifinna húsnæðisfélaga
Í byggingu	1.100
Úthlutunarhæf byggingarsvæði	1.600
Samþykkt deiliskipulag	400
Svæði í skipulagsferli	2.600
Þróunarsvæði	1.500


#### Önnur sveitarfélög á kjarna- og vaxtarsvæðum

Sex sveitarfélög utan höfuðborgarsvæðisins hafa svarað beiðni átakshópsins um upplýsingar um nýbyggingar og lóðir þegar þetta er skrifð. Vogar, Reykjanesbær, Ölfus, Akureyri og Akranes hafa veitt upplýsingar um fjölda lóða. Af svörum bessara sveitarfélaga má ráða að lóðir undir um 2.000 íbúðir séu langt komnar í skipulagsferli. Gert er ráð fyrir um 4.000 íbúðum til viðbótar í aðalskipulagi Voga og Reykjanesbæjar og rammaskipulagi á Akureyri. Vert er að áréttu að þetta er ekki tæmandi samantekt þar sem ekki höfðu borist svör frá öllum sveitarfélögum á kjarna- og vaxtarsvæðum þegar þessi samantekt var unnin.

### 2.3 Spár um nýbyggingar á næstu árum

SI hafa reglulega birt spár um nýbyggingar á höfuðborgarsvæðinu til nokkurra ára. Íbúðaspá SI byggir fyrst og fremst á talningu á íbúðum í byggingu og mati á byggingastigi þeirra. Í nýjustu íbúðaspánni er gert ráð fyrir örum vexti nýbygginga á höfuðborgarsvæðinu á næstu þremur árum. Því er spáð að framkvæmdum ljúki við hátt í 2.100 íbúðir á árinu 2018 sem væri 56% vöxtur frá árinu á undan.<sup>4</sup> Samkvæmt spánni mun fjöldi fullgerðra íbúða halda áfram að vaxa að minnsta kosti til ársins 2021 þegar um 2.800 íbúðir verða fullgerðar á höfuðborgarsvæðinu. Fjöldi íbúða sem hafist er handa við að byggja er meiri en fjöldi fullgerðra íbúða á hverju ári út spátmann.

*Mynd 4. Íbúðauppbrygging á höfuðborgarsvæðinu*



Heimild: Hagstofa Íslands (2011-2017), Samtök iðnaðarins (2018-2021).


Á myndinni á næstu síðu er birt spá um fullgerðar íbúðir á landinu öllu. Spáin byggir á töluum um íbúðafjárfestingu og hagspám Hagstofu Íslands og Seðlabanka Íslands.<sup>5</sup> Spá SI um fullgerðar íbúðir á höfuðborgarsvæðinu er einnig birt til hliðsjónar. Samkvæmt spánni mun framkvæmdum ljúka við um 2.600 íbúðir á landvísu í ár, 3.100 íbúðir árið 2019, 3.400 íbúðir árið 2020 og 3.600 íbúðir árið 2021. Til samanburðar voru byggðar 1.800 íbúðir á landvísu árið 2017. Samanburður á spánni fyrir landið allt og íbúðaspá SI fyrir höfuðborgarsvæðið bendir til þess að 75-80% allra íbúðabygginga verði á höfuðborgarsvæðinu næstu árin. Það er svipað og verið hefur að undanförnu en ívið hærra en nemur meðaltali tímabilsins frá 1984 (72%).

<sup>4</sup> Miðað við tölur Hagstofu Íslands um fullgerðar íbúðir 2017.

<sup>5</sup> Hagspár Hagstofu Íslands og Seðlabanka Íslands um íbúðafjárfestingu á næstu árum eru notaðar til að spá fyrir um fjölda fullgerðra íbúða með aðstoð svokallaðs ECM-líkans sem metur tölfraðilegt samband íbúðafjárfestingar og fjölda fullgerðra íbúða á tímabilinu 1983-2017.

Mynd 5. Fjöldi fullgerðra íbúða á landinu öllu og höfuðborgarsvæðinu

### Fullgerðar íbúðir 1991-2017 og spá 2018-2021



Spá á höfuðborgarsvæði: Samtök iðnaðarins. Spá fyrir landið allt: Íbúðalánsjóður.

Í sögulegu samhengi hefur um 90% af fjölgun íbúða verið á kjarna- og vaxtarsvæðum.<sup>6</sup> Þar sem hlutdeild höfuðborgarsvæðisins í nýbyggingum er nú yfir langtíma meðaltali má búast við því að hlutdeild kjarna- og vaxtarsvæða í nýbyggingum verði einnig hærri á næstu árum en hún hefur verið sögulega séð. Miðað við að 95% byggðra íbúða á landsvísu verði á kjarna- og vaxtarsvæðum á næstu árum má búast við því að framkvæmdum ljúki við 2.900 íbúðir á kjarna- og vaxtarsvæðum árið 2019, 3.200 íbúðir árið 2020 og 3.400 íbúðir árið 2021. Til samanburðar hefur íbúðum í þessum sveitarfélögum að meðaltali fjöldað um 1.700 á ári hverju undanfarna tvo áratugi.

<sup>6</sup> Sjá umfjöllun í kafla 1.



# Staða á leigumarkaði


## Stærð og umfang

Kannanir Íbúðalánasjóðs og Zenter hafa leitt í ljós að um 17% fullorðinna einstaklinga 18 ára og eldri eru á leigumarkaði og rúmlega 70% á húsnæði sitt. Til samanburðar voru hlutfallslega færri á leigumarkaði á árunum 2006-2008 þegar 12% voru á leigumarkaði.


Hagstofan birti á dögunum gögn úr Lífskjararannsókn sinni sem gerð var meðal landsmanna. Þar koma fram áður óbirtar tölur um fjölda heimila á leigumarkaði árið 2016 en þau voru þá talin vera um 35.100 talsins. Ekki hafa verið gefnar út nýrri tölur en fyrir árið 2016 en leiða má að því líkur, í ljósi mannfjölgunar í landinu, að heimilum á leigumarkaði hafi fjölgæð síðan þá.

Ef horft er til fjölda heimila á leigumarkaði á árunum 2004–2006 og sá fjöldi borinn saman við fjölda heimila á leigumarkaði árin 2014–2016 má sjá að þeim fjölda um rúmlega 60% á milli tímabila. Heildarfjöldi heimila í landinu jókst einungis um 14% á sama tímabili. Fjölgun heimila því að mestu leyti í formi fjölgunar á leigumarkaði.



Samantekt á könnunum sjóðsins og Zenter rannsókna gefur eftirfarandi mynd af aldurs- og tekjudreifingu leigjenda.



## Hvað lýsir best búsetu þinni?




## Heimili í landinu



Eins og sjá má er meirihluti leigjenda yngri en 35 ára. Fjölmennasti aldurshópurinn er 25–34 ára og heimilistekjur meirihluta leigjenda eru á bilinu 250–800 þúsund kr. á mánuði.

Algengast er að leigjendur leigi hjá einstaklingi á almennum markaði. Næstalgengast er að fólk leigi hjá ættingjum og vinum og þriðji algengasti kosturinn er einkarekið leigufélag.




Heimild: Leigumarkaðsdeild ÍLS, Zenter

## Viðhorf leigjenda

Vísbindingar úr könnun ÍLS og Zenter<sup>1</sup> meðal leigjenda gefa til kynna að 21% leigjenda telja líkur á að missa húsnæðið sitt. Ef gert er ráð fyrir því að heimili á leigumarkaði séu a.m.k. 35.100 mætti gera ráð fyrir því að yfir 7.300 heimili teldu líkur á að missa húsnæðið sitt.

Vísbindingar eru um að staða leigjenda sé verri en staða þeirra sem búa í eigin húsnæði. Þátttakendur í könnun sjóðsins fyrr á þessu ári voru beðnir um að leggja mat á það hversu sammála eða ósammála þeir væru fullyrðingunni: „Ég tel mig búa við húsnæðisöryggi“ og í ljós kom að 57% leigjenda eru sammála fullyrðingunni samanborið við 94% þeirra sem búa í eigin húsnæði<sup>2</sup>.

Myndir þú segja að húsnæðið sem þú leigir sé öruggt eða telur þú líkur á því að þú gætir misst húsnæðið?



Heimild: Leigumarkaðsdeild ÍLS, Zenter

Þeir sem leigja af einstaklingi á almennum markaði telja meiri líkur en aðrir á að missa húsnæðið en 32% þeirra sem leigja hjá einstaklingi á almennum markaði telja frekar eða mjög líklegt að þau missi

<sup>1</sup> Sjá niðurstöður í heild: <https://www.ils.is/library/Frettir/Zenter%20-%20leigjendakönnun%202018%20-%20Íbúðalánaþjóður.pdf>

<sup>2</sup> Sjá nánar í skýrslu leigumarkaðsdeilda Íbúðalánaþjóður frá því í maí 2018.

húsnæðið. Fjölskyldur með börn finna fyrir marktækt minna öryggi á leigumarkaði en þeir sem búa einir á aldrinum 18–34 ára og barnlaus pör á aldrinum 18–45 ára.

Meirihluti leigjenda virðist ekki vilja vera á leigumarkaði. Hlutfall þeirra sem segjast vera á leigumarkaði því þau vilja vera þar mælist einungis 8% og lækkar í mælingunni í ár, frá því í fyrra.

Aðspurðir hvort leigjendur myndu velja að búa í leiguþúsnæði eða eigin húsnæði ef nægilegt framboð væri af öruggu leiguþúsnæði og nægilegt framboð væri af húsnæði til kaups, kemur í ljós að leigjendur hafa meiri áhuga nú en áður á að búa í eigin húsnæði. 86% leigjenda segjast vilja búa í eigin húsnæði. Fyrir ári síðan var hlutfallið 81% og fyrir þremur árum 77%.

Leigjendur voru enn fremur spurðir hversu líklegt eða ólíklegt það væri að þeir myndu kaupa sér fasteign næst þegar þeir skiptu um húsnæði og þá kom í ljós að 40% telja það öruggt eða líklegt, sem er marktækt hærra hlutfall en fyrir þremur árum þegar 29% töldu það öruggt eða líklegt. Það að fleiri leigjendur telji líkur á að þeir kaupi í ár samanborið við 2015 helst ef til vill í hendur við sterkari fjárhagsstöðu leigjenda. Fyrir þremur árum síðan gátu 28% leigjenda safnað talsverðu eða svoltlu sparifé en nú er hlutfallið komið upp í 47%.


## Leigusamningar og þinglýsingar

Í október var 520 nýjum leigusamningum þinglýst um land allt<sup>3</sup>, þar af var 108 samningum þinglýst vestan við Kringlumýrarbrautina í Reykjavík og á Seltjarnarnesi.

Á fyrstu 10 mánuðum ársins var 4.848 leigusamningum þinglýst um land allt<sup>4</sup> og er 70% þeirra vegna leigusamninga á höfuðborgarsvæðinu. Í viðauka 1 má sjá hvernig þinglýstir leigusamningar hafa skipst upp milli ólíkra svæða frá 2011.


Ef einungis er horft til höfuðborgarsvæðisins má sjá að 30% leigusamninga hefur verið þinglýst vegna íbúða vestan við Kringlumýrarbrautina á fyrstu 10 mánuðum ársins.

Spurningakönnun ÍLS meðal leigjenda leiddi í ljós að um 60% leigjenda eru með þinglýstan leigusamning. Vísbindingar eru því um að tölur þjóðskrár ná því ekki yfir allan leigumarkaðinn.



Heimild: Leigumarkaðsdeild ÍLS, Zenter

## Hlutfall skriflegra leigusamninga




Heimild: Leigumarkaðsdeild ÍLS, Zenter


<sup>3</sup> Fleiri samningum, eða 670 alls var þinglýst samkvæmt leigugagnagrunni þjóðskrár en við úrvinnslu talnaupplýsinga var leigusamningum sem eru eldri en 60 daga við þinglýsingu slept, auk samninga þar sem herbergjafjöldi íbúða er ekki þekktur, samningum um félagslegar íbúðir o.fl. er fram kemur á vef þjóðskrár.

<sup>4</sup> Að teknu tililti til fyrrgreindra forsendna um leigusamningum sem er sleptt.

### Fjöldi þinglýstra leigusamninga í október 2018 eftir svæðum




### Lengd leigusamninga



Sé horft til fjölda þinglýstra leigusamninga sem hlutfall af íbúðafjölda hvers sveitarfélags fyrir sig má sjá að Reykjanesbær er með hlutfallslega stærsta leigumarkaðinn þar sem 13,4% íbúðarhúsnaðis er talinn vera í útleigu<sup>5</sup>. Á meðfylgjandi mynd má sjá fjölda leigusamninga sem taldir eru virkir á meðal þeirra sveitarfélaga sem eru með flestar íbúðir í útleigu og sömuleiðis hve hátt hlutfall það húsnæði er af öllu húsnæði sveitarfélagsins. Í viðauka 2 má sjá

### Umfang leigumarkaðar meðal virkstu sveitarfélaga á leigumarkaði



Heimild: Þjóðskrá Íslands, Leigumarkaðsdeild ÍS


<sup>5</sup> Til þess að leggja mat á fjölda virka leigusamninga voru allir tímabundnir leigusamningar sem enn eru í gildi, miðað við 18. desember 2018, teknir til greina auk ótímabundinna samninga sem hafa verið gerðir á síðustu þremur árum.

töflu sem sýnir fjölda leigusamninga á meðal sveitarfélaga sem eru með 10 eða fleiri virka leigusamninga og einnig fjölda íbúða í sveitarfélaginu og út frá því hlutfallslega stærð leigumarkaðar.

Í spurningakönnun ÍLS meðal leigjenda var spurt til hversu langs tíma leigusamningar voru upphaflega gerðir. Í ljós kom að meðaltali er lengd leigusamninga 1,3 ár. Einungis 3% leigjenda eru með ótímbundinn samning<sup>6</sup>.

Leigjendur hafa að meðaltali flutt 3,8 sinnum á síðustu 10 árum og 1,6 sinnum á síðustu þremur árum. Þeir sem eru með lægstu tekjurnar hafa flutt oftast.

Lengd leigusamninga



- skemur en 1 ár      ■ 1-2 ár
- 2-3 ár                  ■ 3-4 ár
- lengur en 5 ár       ■ ótímbundinn

## Sérstakar áskoranir á leigumarkaði

*Heimild: Leigumarkaðsdeild ÍLS, Zenter*

- Fólk í óleyfisbúsetu
- Utangarðsfólk

Samkvæmt kortlagningu slökkviliðsins á höfuðborgarsvæðinu á óleyfisbúsetu voru vísbindingar um að 3.650 heimili væru mögulega í óleyfisbúsetu á höfuðborgarsvæðinu um mitt árið 2017.

Kortlagning Reykjavíkurborgar<sup>7</sup> á fjölda og högum utangarðsfólks í Reykjavík sýnir að árið 2017 voru 349 manns skrádir utangarðs og/eða heimilislausir í borginni og var um 95% aukningu að ræða frá því þegar mæling var síðast gerð árið 2012.

## Fyrirvari:

Minnisblað þetta er unnin af starfsmönnum leigumarkaðsdeilda Íbúðalánasjóðs og byggir á mati þeirra á opinberum upplýsingum á hverjum tíma ásamt sjálfstæðum greiningum. Leigumarkaðsdeild Íbúðalánasjóðs er óháður aðili sem framkvæmir greiningar á húsnæðismarkaði. Upplýsingar sem birtast í skýrslu þessari endurspeglar mat starfsmanna leigumarkaðsdeilda á fyrilliggjandi upplýsingum á hverjum tíma og geta breyst án fyrirvara.

Í skýrslunni er greint frá niðurstöðum úr svörum þeirra sem tóku afstöðu nema annað sé tekið fram. Svör leigjenda eru vigtuð samkvæmt þeim upplýsingum sem fyrri rannsóknir leigumarkaðsdeilda Íbúðalánasjóðs og Zenter rannsókna hafa leitt í ljós varðandi lýðfræðilega dreifingu leigjenda.

Leigumarkaðsdeild Íbúðalánasjóðs ber ekki skylda til að veita aðgang að frekari upplýsingum en birtar eru í skýrslu þessari. Íbúðalánasjóður, stjórnendur hans og starfsmenn bera ekki ábyrgð á þeim upplýsingum sem hér birtast eða veittar eru í tengslum við birtingu en allar greiningar eru unnar sjálfstætt af leigumarkaðsdeild Íbúðalánasjóðs. Öllum er frjálst að nota efni leigumarkaðsdeilda Íbúðalánasjóðs en geta skal heimilda við notkun.

<sup>6</sup> Samkvæmt gögnum um þinglýsta leigusamninga frá þjóðskrá er fjórðungur leigusamninga sem hafa verið þinglýstir á fyrstu 11 mánuðum ársins 2018 með engri loka dagsetningu. Vert er að hafa í huga að þinglýstir leigusamningar og niðurstöður spurningakannana eru ósamanburðarhæf gögn að einhverju leyti.

<sup>7</sup> [https://reykjavik.is/sites/default/files/svid\\_skjal/VEL/fjoldi\\_utangardsfolks\\_2017.pdf](https://reykjavik.is/sites/default/files/svid_skjal/VEL/fjoldi_utangardsfolks_2017.pdf)

## Viðauki 1

Fjöldi ný þinglýstra leigusamninga eftir svæðum. \*Tölur fyrir 2018 ná til fyrstu 10 mánuði ársins. Ekki eru allir þinglýstir leigusamningar teknir með í greiningunni í viðauka 1 heldur einungis þeir sem voru yngri en 60 daga gamlar við þinglýsingu, herbergjafjöldi var þekktur o.fl. Heimild: Þjóðskrá Íslands og ÍLS

	2011	2012	2013	2014	2015	2016	2017	2018*
<b>Reykjavík, vestan Kringlumýrarbrautar og Seltjarnarnes</b>	1490	1354	1458	1464	1288	1017	1061	1015
<b>Reykjavík milli Kringlumýrarbrautar og Reykjanesbrautar</b>	620	530	601	687	605	521	513	477
<b>Kópavogur</b>	524	488	487	493	486	391	420	436
<b>Garðabær, Hafnarfjörður og Álfþanes</b>	792	654	733	697	577	493	573	541
<b>Grafarvogur, Grafarholt, Árbær, Norðlingaholt og Úlfarsárdalur</b>	629	582	530	601	568	443	506	472
<b>Breiðholt</b>	508	439	456	470	455	399	349	331
<b>Kjalarnes og Mosfellsbær</b>	138	112	113	126	95	86	135	131
<b>Suðurnes</b>	565	578	664	703	587	450	395	307
<b>Vesturland</b>	266	290	360	310	254	254	248	196
<b>Vestfirðir</b>	49	43	71	58	61	48	64	59
<b>Norðurland nema Akureyri</b>	147	133	149	165	152	100	136	107
<b>Akureyri</b>	494	491	539	544	426	424	443	429
<b>Austurland</b>	85	86	149	150	141	97	91	90
<b>Suðurland</b>	392	360	395	415	324	303	266	257
<b>Landið alls</b>	6699	6140	6705	6883	6019	5026	5200	4848

Þinglýstir leigusamningar eftir svæðum, hlutfall af heildarfjölda þinglýstra leigusamninga á Íslandinu öllu. \*Tölur fyrir 2018 ná til fyrstu 10 mánuði ársins. Heimild: Þjóðskrá Íslands og ÍLS

	2011	2012	2013	2014	2015	2016	2017	2018*
<b>Reykjavík, vestan Kringlumýrarbrautar og Seltjarnarnes</b>	22%	22%	22%	21%	21%	20%	20%	21%
<b>Reykjavík milli Kringlumýrarbrautar og Reykjanesbrautar</b>	9%	9%	9%	10%	10%	10%	10%	10%
<b>Kópavogur</b>	8%	8%	7%	7%	8%	8%	8%	9%
<b>Garðabær, Hafnarfjörður og Álfþanes</b>	12%	11%	11%	10%	10%	10%	11%	11%
<b>Grafarvogur, Grafarholt, Árbær, Norðlingaholt og Úlfarsárdalur</b>	9%	9%	8%	9%	9%	9%	10%	10%
<b>Breiðholt</b>	8%	7%	7%	7%	8%	8%	7%	7%
<b>Kjalarnes og Mosfellsbær</b>	2%	2%	2%	2%	2%	2%	3%	3%
<b>Suðurnes</b>	8%	9%	10%	10%	10%	9%	8%	6%
<b>Vesturland</b>	4%	5%	5%	5%	4%	5%	5%	4%
<b>Vestfirðir</b>	1%	1%	1%	1%	1%	1%	1%	1%
<b>Norðurland nema Akureyri</b>	2%	2%	2%	2%	3%	2%	3%	2%
<b>Akureyri</b>	7%	8%	8%	8%	7%	8%	9%	9%
<b>Austurland</b>	1%	1%	2%	2%	2%	2%	2%	2%
<b>Suðurland</b>	6%	6%	6%	6%	5%	6%	5%	5%

## Viðauki 2

Til þess að leggja mat á fjölda virka leigusamninga voru allir tímabundnir leigusamningar sem eru í gildi, miðað við 18. desember 2018, teknir til greina auk ótímabundinna samninga sem hafa verið gerdir á síðustu þremur árum. Fjöldi íbúða í sveitarfélagini alls miðast við stöðuna 18. desember 2018. Heimild: Þjóðskrá og ÍLS


	Fjöldi þinglýstra leigusamninga sem taldir eru vera virkir	Fjöldi íbúða í sveitarfélagini alls	Áætlað hlutfall íbúða sem leigðar eru með þinglýstum leigusamningi
Reykjavík	4.314	52.666	8,2%
Reykjanesbær	977	7.264	13,4%
Akureyrarkaupstaður	847	8.052	10,5%
Kópavogur	839	13.657	6,1%
Hafnarfjörður	779	10.210	7,6%
Sveitarfélagið Árborg	250	3.599	6,9%
Akraneskaupstaður	243	2.683	9,1%
Mosfellsbær	217	3.770	5,8%
Garðabær	193	5.760	3,4%
Borgarbyggð	130	1.855	7,0%
Ísafjarðarbær.	96	1.714	5,6%
Vestmannaeyjar	94	1.744	5,4%
Fjarðabyggð	89	1.987	4,5%
Sveitarfélagið Skagafjörður	78	1.803	4,3%
Seltjarnarnes	75	1.719	4,4%
Fljótsdalshérað	73	1.490	4,9%
Grindavíkurbaer	64	1.064	6,0%
Norðurþing	54	1.313	4,1%
Fjallabyggð	48	1.085	4,4%
Hveragerðisbær	44	1.065	4,1%
Dalvíkurbyggð	39	742	5,3%
Sandgerðisbær	32	586	5,5%
Sveitarfélagið Garður	31	553	5,6%
Vesturbyggð	29	522	5,6%
Sveitarfélagið Ölfus	27	736	3,7%
Blönduósbaer	26	378	6,9%
Grímsnes- og Grafningshreppur	23	214	10,7%
Stykkishólmsbær	22	515	4,3%
Sveitarfélagið Vogar	22	425	5,2%
Rangárþing ytra	18	672	2,7%
Snæfellsbær	16	701	2,3%
Bláskógarbyggð	15	453	3,3%
Rangárþing eystra	14	729	1,9%
Höfðahreppur	11	214	5,1%
Sveitarfélagið Hornafjörður	11	834	1,3%
Bolungarvíkurkaupstaður	10	393	2,5%

Hrunamannahreppur	10	299	3,3%
Seyðisfjarðarkaupstaður	10	328	3,0%

## Viðauki 3

Samanburður á fjölda þinglýstra leigusamninga og kaupsamninga s.l. 12 mánuði. Heimild: Þjóðskrá

Samanburður á virkni fasteignamarkaðar og leigumarkaðar eftir landssvæðum



AFRIT



Jón Hrói Finnsson  
Hafnarstræti 86  
600 Akureyri

## VELFERÐARRÁÐUNEYTÍD

Skógarhlíð 6 105 Reykjavík  
sími: 545 8100 bréfasími: 551 9163  
postur@vel.is velferdarraduneyti.is

SAMBAND ÍSLENSKRA SVEITARFÉLAGA	
Mál nr.	1809 05/SA
Móttakið dags.	29. NÓV. 2018
Bréfahylkis nr.	00.61

Reykjavík 15. nóvember 2018  
Tilv.: VEL18080056/06.58

### Efni: Skipunarbréf.

Félags- og jafnréttismálaráðherra skipar þig hér með í stýrihóp um málefni utangarðsfólks.

Vandi utangarðsfólks er fjölpættur og ábyrgð á úrlausnum liggur bæði hjá ríki og sveitarfélögum. Mikilvægt er að samfelld og heildstæð félags- og heilbrigðispjónusta standi utangarðsfólki til boða eftir því sem hentar hverju sinni. Velferðarráðuneytinu hafa borist erindi frá Umboðsmanni Alþingis, Velferðarvaktinni og Reykjavíkurborg varðandi málefni utangarðsfólks.

Hlutverk hópsins er að skoða þær ábendingar, hugmyndir og tillögur sem fram koma í bréfum ofangreindra aðila sem lúta að því að koma upp dagdvöl, bæta aðgengi að meðferð við vímuefnavanda, fjölga áfangaheimilum, útvega atvinnutækifæri, hjúkrunarrámyi fyrir eldra utangarðsfolk, húsnæðisvanda utangarðsfólks og skoða leiðir til að bæta málsmeðferðartíma.

#### Stýrihópinn skipa:

Birna Sigurðardóttir, án tilnefningar, formaður  
Ingibjörg Sveinsdóttir, án tilnefningar  
Sigriður Dóra Magnúsdóttir, tiln. af Heilsugæslu höfuðborgarsvæðisins  
Halldór Kristján Júlíusson, tiln. af Reykjavíkurborg  
Jón Hrói Finnsson, tiln. af Sambandi íslenskra sveitarfélaga  
Rannveig Einarssdóttir, tiln. af sambandi sveitarfélaga á höfuðborgarsvæðinu.

#### Varamenn eru:

Anna Ólafsdóttir, tiln. af Heilsugæslu höfuðborgarsvæðisins  
Sigríður Erla Arnardóttir, tiln. af Reykjavíkurborg

Samkvæmt framansögðu ert þú hér með skipaður í stýrihópinn. Gert er ráð fyrir að hópurinn hefji störf í desember 2018 og skili tillögum til ráðherra í maí 2019. Ekki er gert ráð fyrir að greidd verði þóknun fyrir setu í stýrihópnum af hálfu ráðuneytisins.

*Ásmundur Daðason*

Ásmundur Einar Daðason  
félags- og jafnréttismálaráðherra

*Anna Gunnarsdóttir*

Anna Lilja Gunnarsdóttir  
ráðuneytisstjóri





Samband íslenskra sveitarfélaga  
Pósthólf 8100  
128 Reykjavík

## VELFERÐARRÁÐUNEYTIÐ

Skógarhlíð 6 105 Reykjavík  
sími: 545 8100 bréfasími: 551 9165  
postur@vel.is velferdarraduneyti.is

Reykjavík 19. september 2018  
Tilv.: VEL18080056/06.58

### Efni: Óskað eftir tilnefningum í stýrihóp um málefni utangarðsfólks.

Velferðarráðuneytinu hafa borist erindi frá Umboðsmanni Alþingis, Velferðarvaktinni og Reykjavíkurborg varðandi málefni utangarðsfólks. Erindin varða m.a. húsnæðisvanda utangarðsfólks, heilbrigðispjónustu við utangarðsfolk, meðferðarárræði og dagþjónustu.

Vandi utangarðsfólks er fjölpættur og ábyrgð á úrlausnum liggur bæði hjá ríki og sveitarfélögum en engin sérloð skilgreina þennan málaflokk sérstaklega. Mikilvægt er að samfelld og heildstæð félags- og heilbrigðispjónusta standi utangarðsfólk til bōda eftir því sem hentar hverju sinni. Í bréfi sínu leggur Velferðarvakin fram fjórar tillögur til að bæta aðstæður utangarðsfólks þ.e. að koma upp dagdvöl, bæta aðgengi að meðferð við vímuefnavanda, fjölgá áfangaheimilum og útvega atvinnutækifæri. Jafnframt leggur Velferðarvakin til að heilbrigðisráðherra, félags- og jafnréttismálaráðherra og Samband íslenskra sveitarfélaga stofni formlegan starfshóp til að fylgja tillögum eftir. Umboðsmáður Alþingis beinir þeim tilmælum til þeirra stjórnvalda sem bera ábyrgð á og fjalla um þessi mál að „gerðar yrðu eins fljótt og unnt er fullnægjandi ráðstafanir til þess að bæta úr þeim annmörkum sem verið hefðu á málsméðferðartíma og framboði húsnæðisúrræða vegna utangarðsfólks.....“ Skv. lögum um félagsþjónustu sveitarfélaga ber sveitarfélögum að aðstoða íbúa sína við lausn á húsnæðisvanda þeirra. Vandi utangarðsfólks er hins vegar fjölpættur vandi bæði m.t.t. heilsufars og félagslegra aðstæðna. Þá hefur borgarstjórin í Reykjavík óskað eftir samstarfi og viðræðum félags- og jafnréttisráðherra um húsnæðisvanda utangarðsfólks og við heilbrigðisráðherra um heilbrigðispjónustu m.a. hjúkrunarrými fyrir eldra utangarðsfólk.

Af þessu tilefni er óskað eftir tilnefningu fulltrúa frá Sambandi íslenskra sveitarfélaga í framangreindan stýrihóp.

Ráðuneytið vekur athygli á 15. gr. laga um jafna stöðu og jafnan rétt kvenna og karla, nr. 10/2008, en þar er meðal annars kveðið á um að þegar tilnefnt er í nefndir, ráð og stjórnir á vegum ríkis og sveitarfélaga skuli tilnefna bæði karl og konu. Þá kemur fram að tilnefningaraðila sé heimilt að vikja frá þeiri skyldu þegar hlutlægar ástæður leiða til þess að ekki er mögulegt að tilnefna bæði karl og konu. Skal tilnefningaraðili þá skýra ástæður þess. Jafnframt er óskað eftir því að tilnefndir verði varamenn af báðum kynjum.


Með skírkotun til þessa ákvæðis er óskað eftir því að tilnefndir verði tveir einstaklingar, einn karl og ein kona og tveir til vara. Ráðherra skipar í stýrihópinn og velur einn fulltrúa Sambands íslenskra sveitarfélaga úr hópi tilnefndra í stýrihópinn, þannig að kynjaskipting verði sem

jöfnust í hópnum.

Þess er vinsamlega óskað að umbeðnar tilnefningar berist ráðuneytinu sem allra fyrst, ásamt upplýsingum um kennitölur og netföng þeirra aðila sem tilnefndir eru.

Gert er ráð fyrir að hópurinn hefji störf í október 2018 og skili tillögum í mars 2019.

Fyrir hönd félags- og jafnréttismálaráðherra



Vilborg Hauksdóttir



Margrét Sigurðardóttir

SAMBAND ÍSLENSKRA SVEITARFÉLAGA	
Mál nr.	1809051 SA
Móttekið dags.	24. SEP. 2018
Bréfalykils nr.	00-61